



## Comunu de Scalepranu

## Provìncia de Casteddu

bia Sìndigu Giuanni Carta n. 18 - 08043 Scalepranu  
Tèlefunu 070/954101 – fax 070 9541020  
internet: [www.comune.escalaplano.ca.it](http://www.comune.escalaplano.ca.it)  
e-mail: comunediescalaplano@tiscali.it

### FESTA CUN IS DISTERRAUS 2010

#### Paesanu Caru

Est giai su de cinqu annus chi s'amministratzioni comunali organizat sa "**Festa cun is disterraus**".

E po no lassai peruna duda a nemus, credeus chi siat giustu a "torrai contus" de is passus fatus in s'avantzada de su progetu incaminau.

Is arresurtaus tentus in is editzionis passadas funt spantosus diaberus, e si podint cunsiderai arrispetosus, cunforma a su dreteminu postu in s'idea de "**Festa cun is disterraus**" nàscia in su 2006 po un'abbritiu de Pepi Carta, disterrau a Roma de su 1962.

In s'interis is cuntatus cun is disterraus si funt affortiaus e alliongiaus sèmpiri de prus. Apustis de medas annus passaus a sa muda, is disterraus ant tentu ocasioni de si torrai a ponni in arrelata cun sa bidde intzoru, de torrai a stabbiliri unu cuntatu importanti fintzas cun s'amministratzioni comunali, cuncambiendi informatzionis, arrexonendi apitzus de parcius temas, fendi proponimentus.....torrendi a un'abbitu chi pariat, agiumai, pèrdiu po sèmpiri.

Medas de issus tenint praxeri de si contai su chi ant fatu e su chi faint oindì.

Is scalebranesus chi ant lassau sa bidde diora, chi ant pesau is fillus in arrealidadis differentis de sa nosta, no si funt scarèscius de su logu innui funt nàscius e cun bantidu studiant, scrit e contant, prus de cantu feus nosu etotu, sa stòria e is baloris nostus, su tempus fitianu e su chi bolit nai a èssiri scalebranesus.

S'amministratzioni comunali espressat totu su prexu po su trabballu fatu fintzas a immoi, e at cuncordau de dedicaì sa "**Festa cun is disterraus**" de su 2010 a is fèminas de Scalepranu disterradas o a is fillas de is disterraus. Fèminas chi si funt distintas cun arrisurtaus importantis siat in su trabballu siat in sa vida sociali, chi cun is "òperas", cun s'impìnniu sociali, cun is scritus intzoru ant fatu connosci Scalepranu in su mundu agiudendi, aici, su caminu culturali e sociali de sa bidde nosta.

Imparis cun Pepi Carta t'aspetaus po sa "**Festa cun is disterraus**" de su 2010 su 13 de **Austu**, in s'apostu mannu de su Consillu Comunali.

S'atòbiu est in **Scalepranu su 13 de Austu 2010:**

**A is 18,00 in s'apostu de su Consillu Comunali**

- *Is saludus de su Sìndigu;*
- *S'atòbiu cun is disterraus,*
- *Presentada de is libburus de is disterradas scalebranesas Anna Tolu Pouget e Valentina Usala.*

**A is 19,30 in pratza F. Sedda**

- *Intregu de is arriconoscimentus a disterraus "Ambasciadoris de Scalepranu in su mundu";*
- *Cumbidu de s'Amministratzioni Comunali;*
- *A sighiri mùsica ètnica.*

*T'imprassu cun istima e cun s'abetu de si torrai a biri totus impari in Scalepranu.*

Su Sìndigu  
Bissenti Demontis